

和孫侍御臺端晚步次韻

停驄耽眺聽飛藻音巖阿月滿三秦路冰開九  
曲河出關瞻闕近隔水望雲多翻媿巴人和空  
聞白雪歌

風夕感懷

歲晚風聲烈霜林與雪濤棲鳥隨木下叫鴈出  
雲高世事看殘奕開愁破濁膠壯懷知漸減有  
夢到江臯

立春

時際貞元會陽回泰地寒春風夜堂入臘雪曉  
山殘折柏浮新醕裁花挿敝冠鬢顏驚歲改引  
鏡避人看

智子學遠寄詩次韻奉答

大雅久離群交游罷論文嵯峨瞻曉霽涇渭隔  
春雲乍見驚衰鬢相將戀落暉同心幾人在別  
後倍思君

地結重關險河迴九曲文人烟低傍水雉堞上  
侵雲中岳通佳氣西峯倒夕曛登臨春正好着



展擬同君

來詩云欲縱登臨  
目何人可共君

賀孔右使誕子

乍傳生玉樹喜劇漫題  
慶世衍尼山澤人鍾華  
岳祥鶴群開兆應鳳翻  
看翱翔英物元非偶聞  
啼信異常

清夜夢熊羆嘉辰弄掌珠  
渥注龍是種丹穴鳳  
爲雛在篋經堪授懸弧志  
不孤遲余具湯餅莫  
惜倒銀壺

登潼關山樓

欲覽三秦勝先登百尺樓  
雲低依華頂水落見  
河洲漢業衣冠盡唐墟  
禾黍秋英雄不平氣風  
吼象山頭

河出龍門駛山連華嶽雄  
風塵關月暗搖落塞  
雲空三省封疆會殊方  
譯使通客心馳萬里渾  
欲附鷓鴣

守武口

吳地家自  
秦關歲再除寒更催臘  
盡和氣襲  
春初思遂梅花遠顏酩  
柏葉餘年年慙建立默



默念居諸

元日

律轉三元日人逢道泰年辛盤皆客味椒醕是  
春筵嘉樹含芳早鳴禽得氣先關中舊都會雨  
露若爲偏

脩園會餞留別席上諸公得天字遊字

靈石嗽飛泉江雲澹遠天幽心一鳥喚春色萬  
化然共適投閒趣翻驚餞別筵悠悠京洛路挾  
榮愧當年

宦拙厭遨遊時違國未酬樛材寧足任疲馬欲  
何求脩竹山中社浮萍江上舟鄉心與朋好一  
倍攬離憂

恩榮雙壽詩

靈爽出衡湘氛氲集帝鄉累仁貽世遠娛壽及  
時康萊綵仙郎戲褒章丹鳳將漢庭誇萬石今  
昔共輝光

贈富陽桂令

於越論繁邑當津是富春榛蕪征戰地窶瘠屬



羅人城息河陰蓋簾清顧令塵佇看登拜去烏  
鵲擁車輪

孤山林處士

昔賢嘗避世棲遲湖水濱山孤雲共任市遠寺  
爲憐鶴報同心侶梅傳隔歲春祇今踈影下猶  
憶看花人

途經謝憲使宅留欸尋別時謝方轉官二

予登科適還

論交餘十載萍水盡他鄉何意風塵路來登畫

錦堂霜臺新授鉞玉樹欵生光舉袂忽不見相  
思仍渺茫

送王尉

客思秋來別那堪復送人青楓袍色潤黃菊綬  
文新重器唐師德仙曹漢子真只今猶異績莫  
謂等風塵

巴東道中

巴東百里道信馬踏江濱小隊投林麓孤亭宿  
水雲市燈星共燦客帆語相聞後夜巫山月回



看楚屬分

夷陵渡江

一問夷陵渡渾忘鳥道中自疑生有翼忽漫上  
凌空日日礮研逕山山虎豹叢險難隨地有無  
事畏川東

玉泉寺

路轉聞香霧遙知竹院深望山全隱樹入寺迴  
依岑澗落飄晴雨鍾鳴散午陰頓令車馬客亦  
有脫塵心

歲暮玉局觀隨諸寅長同遊

錦官城下路司馬舊題橋歲晏多休暇幽尋屏  
市囂聽猿川月暗望鴈越江遙共是同袍友風  
霜耻黑貂  
叢霄新道館玉局古仙都出郭心先愜登臺景  
復殊林端清磬落江上暮雲孤舉酒當歌吹狂  
來識故吾

山勢西來遠溪流夾路迴霜空踈岸柳日煖靚  
江梅綠蟻先春醖清歌向晚催盃簪同萬里笑



口一時開

見梅

蜀國三冬暖江梅已著花溪橋停駟馬攀賞到  
仙家白處飛爲雪紅邊聚作霞孤山凡幾樹吟  
望隔天涯

覺林寺

日日紅塵裏迷途有覺林路幽蒼蘚合殿迥白  
雲侵貪佛留僧飯思歸學鳥音艱危經欲徧祇  
自不抽簪

送闡帥王君入賀 萬壽

聖壽雍熙日嵩呼岳牧同孤帆巴子國萬舞大  
明宮虜避燕支北鯨潛滄海東將軍信忠義莫  
自念無功

捧表行經棧道

鷄關通鳳嶺峽裏澗尤深地僻稀人跡林空足  
鳥音凝雲歆壁斷斜日半峰陰賴有平生興勞  
勞無苦心

崖傾石欲摧樹蔭磴多苔風急虎聲厲月高猿



嘯哀井參天象別棧閣鬼工開自昔多羈旅無  
端我亦來

盤空路已迷樹杪接天梯信步氣猶壯回看意  
轉悽萬重穿紫柏百折繞青泥最是山深處陰  
沉日易低

磋砑千仞外復上七盤關驟雨忽滿地霏烟初  
下山啼猿愁莫度飛鳥倦知還飽歷危途客脩  
然意自閒

一步一瀕危危多心轉夷路從雲外落影任鳥

遷移王帛千秋使不冠萬國時趨朝亦隨例  
謂竊恩私

善繪事者作釣臺西湖海潮鴈蕩四圖皆  
吾鄉佳景往時孫侍御斗城嘗招余入鴈  
山未赴閱之感懷各系短章末致此意

爲憶投於越行瞻舊隱居臺空雲澹蕩秋晚木  
蕭疎鼎繫綸竿上星占帝座餘掛帆潮正駛風  
浪却慙予

十里重湖映千山曲抱城樓臺雲外影簫鼓月



中聲酒喚當壚婦朋呼出谷鶯分明圖畫裏自  
棹小舟行

江盡遙連海東來白浪生雪移天際色雷撼地  
中聲射弩功非偶浮鷗恨未平風波一過眼徒  
有濟川情

時憶孫登語能傳鴈蕩竒峰連碧天淨泉與白  
雲垂招隱勞朋舊追遊寄夢思浮生本無定莫  
謂負心期

武關懷古

沛公初王漢此地失淮陰其是人中傑能勞月  
下尋樊橋溪作隈馬道石為林不改當年舊懷  
哉將相心

草涼樓

深峽開仍闢飛橋斷復連崔嵬千嶂下掩映一  
樓懸長夏風生樹晴空雪噴泉客行方苦愠暫  
解竹窻前

扶風吟

一入扶風境慙為豪士吟擒王馳漠北射虎獵



山陰往歲平蠻績年來躍馬心明君終自念蕙  
苴莫教侵

高陵公署次壁間韻

停驂清客心柏院暫登臨涇渭西來合嗟峨北  
望陰壯懷餘短鬢感遇托微吟延佇青雲上應  
慙萬里禽

題陳醫士長春圃

自昔仙人館今開大隱家碧生無意草香散有  
名花奏曲馴魚躍飛觴狎鳥譁方春期數過幽

徑未云賒

寄槐亭

嘉樹本喬枝清姿照陸離襟期一以洽構結自  
相宜適意林中鳥關心局上棋別來多鬱抱長  
夏有餘思

呂克厚哀挽

信是康城夢仙遊歲在辰青山雙屐冷黃土一  
坏新名秩身何有芳華世所珍日暉風雨暗延  
佇欲沾巾



飲張中丞別業

本自耽幽興因君諧夙緣到門黃鳥喚印展綠  
苔穿坐語松陰轉開尊桂月圓無勞思別日霜  
鬢兩堪憐

贈趙州許判官

我往投三晉君遊亦晉墟乍分雙闕袂同捧一  
除書結駟王畿裏行春民事餘嗷嗷需牧養何  
以慰閭閻

友泉

何物非吾與名泉適情濟時分潤澤比德象  
通明月映穿林色風傳激石聲塵途多溷溷莫  
謂獨余清

芋原別游許二省長次韻

爲是同心好能憐去意遲壚頭沾臘味江上採  
春枝物態已如此芳華湏及時蹉跎歲方晏延  
望有餘思

津亭分袂促舟楫沂江遲柳引風生樹梅飄雪  
滿枝素心徒徇祿華髮尚憂時寄謝平生友離



居幸見思

宿延祚寺

山迴初地湧遠梵落微微照月投林莽聞香款  
竹扉無生真慧覺習定幻緣非明發披風露徒  
嗟心願違

重經華陰

三峯俄在眼古邑暫經過猶說滄桑變相逢感  
慨多潼津寒氣歛柳陌瑞烟和心賞不再得徒  
令勞者歌

野寺贈王生

悠緬三秦路清和四月天駟車方息駕雙樹即  
棲禪蚤擅金華譽時傳白雪篇風期知有托慕  
府正籌邊

我本江東客欣逢江畔人投瓊非宿諾傾蓋易  
相親摘藻愁花烏採竒薄漢秦咲彈長鋏去何  
處有烟塵

偶過臬司學甫留酌

嘉樹翳華省中庭五月涼朋來乘暇豫興至引



壺觴厭俗玄襟洽論文藻思狂更聆吳苑曲不  
道客咸陽

阜林別友

何處牽離緒飛帆風雨時踏歌慙李白杯酒謝  
王維西望秦山杳東還湖水瀾有懷不得盡忽  
忽意俱迷

竹溪

龍種分淇澳蕭蕭罨石谿輕陰含水淨細浪拂  
枝低引興供深酌從人刻舊題秦川正羈思延

睇暮雲迷

金佛峽

金佛當年峽遙瞻山鬱森今經叢樹杪古道亂  
流侵易識升沉理能忘險阻心勞勞倦遊地出  
塞一長吟

問月亭

散步池亭上東來月一彎青天不可問綠酒自  
怡顏影轉蕭疎樹光搖遠近山沙場有征戍莫  
遣到榆關



贈唐司訓赴廬陽

蚤歲富珠璣青雲願屢違壯心餘劍佩薄祿眷  
王畿鳴鐸春風滿談經甘雨霏不忘分虎地忽  
復夢淮肥

以詩代書謝四兄寄鏡時爲周府教授

寶鏡金函護名香鏤作臺殷勤千里外塵埃一  
時開絳帳橫經後梁園獻賦來相期同不淺莫  
訝鬢毛衰

次韻荅沈鴻臚

詩篇推正始今復見雲卿錦字湖天遠塵心淮  
海清尊鱸秋日思猿鶴故山情和靖廬邊社因  
風憶友生

田節婦

昔我垂髫友猶懷田氏荆芳華悲蚤謝荼毒軫  
幽情家有傳經子恩沾表里榮懸知歸化日不  
負百年盟

贈馬隱君

晚歲樂玄脩名山每遊朝同雲出岫暮與月



登樓龍杖橫空去砂場取醉留悠悠塵壒外何  
事亦何求

公署新荷

二月見新荷田田出水多久知成老態強起試  
輕羅已射林箐隼還清海滢波感時憂思劇莫  
遣易蹉跎

奚囊盡餘卷之六



奚囊遺餘卷之七

五言排律

蟠龍洞

何代生神物存身信許深繡崖懸洞口練瀑掛  
峰陰繚以剗剗石封將松竹林飛騰餘化跡行  
旅得幽尋列炬參差見摳衣窈窕臨蓋浮香霧  
綴榻響暗泉侵驚繞千年蝠廻翔五色禽筍根  
穿突兀乳竇下浸淫漸覺諸天近渾疑萬象森  
斲從消暑鬱輒有契襟媿以塵中駕而櫻世





外心終思蟠屈意亦足起爲霖

弘濟寺

危巖懸寶閣烟樹隔孤村只尺凌霄漢千尋瞰  
水源海雲流淡影山雨散微痕谷靜春啼鳥潮  
平書鼓龜估帆來遠浦漁榜送歸輪戀賞欲忘  
世棲遲投法門

鷺子磯

山上霏霏雨磯頭冉冉雲萬帆天際出雙島浪  
中分寶閣神工建仙壇異代聞迴洲繁樹色激

石亂湍文屹立魚龍避差池燕燕群東南王業  
在宜鎮此江濱

有懷王徵君元宋

洞房何窈窕深逕復逶迤直取書克棟偏將竹  
作籬高談揮玉麈清賞對金卮幾下陳蕃榻時  
臨逸少池如何千里隔尚負十年期遲子五雲  
表連鑣騁九達

遊東山

江上問幽蹤東山一逕通烟濤孤島外樓閣翠



微中古洞薇香發清池屐齒空雲飛賢相塚月  
落梵王宮勲業蒼生望文章奕世雄千年遺像  
在彷彿見高風

登定州開元寺寶塔

十層天半塔卓錫自開元曲磴雲霞滿飛甍鳥  
雀喧中山低接市盧水澹縈村超忽皆空境飯  
依不二門風塵雙闕近漢達五兵屯徙倚成孤  
嘯幽懷誰與論

張母挽詞

霜委北堂萱堂空殊可憐褒書猶未逮鼎養竟  
難延就月雲霞窟駮鸞灑海天途喧唯薤露山  
靜有啼鶻舊德庭前訓新封湖上阡遺將五丹  
桂朶以慰重泉

送張憲使之河南

使君憐意氣古道見于今結誼膠投漆同心利  
斷金憂時頻看劍對月共披襟標格珠懸照詞  
章玉振音甲兵雄范略匡弼蘊周忱 召命移  
梁苑交親祖華陰冰霜開憲節草木動春林汴



水一千里關門百二岑因風思晤語何地更招  
尋鳴鳥牽情易踈麻別緒深青雲應自致白髮  
柰予侵幾望當津要能忘慰陸沉

送石右使之江西

行省移江右東南扼上游寒雲開峽谷春草徧  
汀洲疆域雄吳楚輝光燦斗牛陽和無遠近惠  
澤有歌謳意氣投艱外功名交秦秋希文同後  
樂萬石是前脩綠蟻淹朋好青驪攬別愁持衡  
竢新命旦晚下龍樓

哭亡兒

一自摧蘭玉徒然悔昨非生前恩遽絕身後願  
俱遺名盛人應忌才高代所稀文章寧不朽孤  
獨竟何依歸思鴻先度悽心猿復啼亦知聚散  
理無柰淚沾衣

贈別舅氏野翁

平生冰玉誼臨別自酸辛共是天涯客翻爲岐  
路人經年思一見兩月到三秦蹊徑憂榛莽關  
河惜滯淫日斜分袂處霜落授衣辰回首忽相



失微官恨此身

送使臣出海封琉球國王

夏至乘風候龍旂下海濱  
片帆纔出澳積水已無垠  
開國三山舊恩封詔使  
新中郎初建節南粵故稱  
臣去憶人瞻斗行逢日在  
鶉禮先夷族順厚往睿情  
仁異域儀刑重遙天雨露  
均歸期小春月復此候通  
津

題畫梅贈友

南國多芳樹梅花冠四時  
靈山稱特秀庾嶺復

爭竒偃蹇虬龍幹參差冰玉姿  
豈無桃李艷故與竹松期  
比物懷良友留情是畫師  
一從圖裏見何異月中窺  
湖上林逋興江南陸凱思  
春來遺尺素絕勝隴頭枝

梧鎮閱武

蒼梧秋獵處細柳漢家營  
四望千峯障迴瞻百雉城  
潦收江岸濶木落曙煙清  
雲擁旌旗色風喧鼓角聲  
虎罷皆振武猿獍亦輸情  
無術慙三畧膚功藉五兵  
投醪非責報授鉞柰專征  
試把



剽犀刃聊殲鼓浪鯨

七言律詩

廷試即事

金鑰傳呼出禁城  
銅龍乍啓五雲明  
香飄合殿趨鵷列  
樂奏鈞天協鳳鳴  
溫詔正需匡世策  
腐儒亦飮大官烹  
漢庭敷對今誰似  
擬效天人媿未成

讀丘倫書有述應制

聖主乘乾惜寸陰  
石渠經籍娛宸襟  
五倫時閱

唐虞典一敬同符  
堯舜心已沛江河  
通要道更輝星斗  
寄高吟  
賡歌黍竊夔龍後  
愧乏雄詞動士林

日暮

旅館無聊自掩扉  
踈櫺新月坐依依  
誰家鼓吹隨風入  
小徑車塵向晚稀  
作字無竒慙敝篋  
病心方渴憶初衣  
萬年枝上珍禽滿  
獨鶴西飛何處歸

新江閱戰艦次松谿韻



颯颯西風薄霧收晴光遙映五城樓隄喧鼓吹  
黃龍舳舻隱旌旗白鷺洲六代繁華遺事杳兩  
朝勲業故宮秋貽謀尚習昆明戰萬里無波江  
自流

送蔣石庵司空

東吳自昔擅鄉評誰復維揚循吏名白簡星臨  
南國頌黑貂風振北臺聲素絲到處傳清節盡  
省由來仗老成江上飛蓬瞻不極三台高擁五  
雲明

王廷尉擢少司徒贈別

石頭城下晚風清潮落秦淮盡舫行悵別無由  
紆纒繚懷人空復念瑤瓊釋之德已孚廷尉平  
叔才堪貳地卿此日度支方告匱誕章何以荅  
承明

省居

清脩曾是淪幽寂人境由來可避喧山擁蟠龍  
依秀色水通朱雀是靈源守玄自擬楊雄閣抱  
甕誰同漢叟園九鼎三元應頓悟草堂白晝坐



忘言

至日齋居次葛墩韻

水部清齋三宿同  
八能調律代天工  
葭灰已見陽爻復  
荔挺先將春信通  
地近紫庭宮漏永  
月涵畫省篆煙籠  
遙瞻北極依南斗  
搔首風前雙鬢蓬

登報恩寺塔借梅東居麓午山

南陵何處堪乘興  
絳宇琳臺愜浪遊  
危磴九層臨絕巘  
飛甍千仞出長楸  
洞門高度秋聲壯  
天

未遙看江水流便覺六塵消  
釋盡爲借二盃故淹留

送周雙林

江城木落風露清  
秦淮倒激海濤驚  
試陵高阜望丹闕  
愁見方舟曳彩旌  
水寒澤國歲將晏  
花發上林春正晴  
覽勝懸知有新句  
遙遙天際歸鴻聲

湖上偶成

明湖一別遠江天  
望入雙峯興已偏  
病足未妨



攀鬱巘幽懷自合傍雲烟松陰滿地懸斜日雪  
霽空山響細泉安得水邊三畝宅門前垂柳繫  
漁船

登飛來峯

長松十里晝陰重引入飛來第一峯洞裏紫霞  
明日月天邊青靄插芙蓉小橋不斷橫溪路古  
寺猶聞隔樹鐘戀賞頓忘城市遠歸途幾處暮  
雲封

泛湖次韻

重湖曉日淡春烟萬頃平連浩蕩天擬放蘭舟  
沿曲港行投竹院俯危巔綠陰密隱新鶯嫩紅  
雨飛沾細草妍處處青帘村釀熟已拚沉醉藉  
花眠

丹陽道中

西湖漫擬恣春遊南國仍浮萍水舟千里煙雲  
延迥眺孤村風雨攪離憂香隨去馬花全落浪  
閃前旌麥向秋何處妻清三弄笛殘霞樹杪映  
山樓



句容道中

日落丹崖倚桂橈，星軺忽是轉蘭皋。空山縱馬無荆棘，岐路聞鶯有鬱陶。紫闕聯雲搖鳳影，清溪流水和松濤。芳菲欲盡春多少，驅逐年年感二毛。

西行次潘生

雲開遙望石頭城，虎踞龍蟠擁舊京。落日千山新雨霽，春帆一片晚潮生。才非何遜淹將作，功乏平當愧水衡。十載爲郎虛舊社，相逢空自說

勲名

玄直觀葛墩見過

中和橋下水濺濺，玄直觀裏春可憐。斷腸柳色青始足，照眼花枝紅欲然。羽客殷勤識玄度，仙槎飄忽訝張騫。忘年更遇王摩詰，衆妙門中有宿緣。

送魏郡守致仕還山西

茗溪新綠泛歸舟，故國迢迢汾水流。榮祿不堪淹五馬，丰神自昔卜三丘。一隨玄豹冥濛隱，萬



里飛鴻汗漫遊風雨滿帆君莫訝山川猶爾  
相留

紫雲洞

梯雲躡水費攀躋萬仞斜懸石壁危貝闕銀宮  
飛掩映紫芝玉髓照參差中天鶴唳開丹室子  
夜龍光發劔池此地分明隔塵世何人方外覓  
希夷

送張順之司訓全椒

吳地新涼生七月江天落照引雙旌如何白首

淹經畧猶自青氈宦水香芹綠月色瑯  
山仙桂散秋榮風雲夙抱今何似試聽錚錚寶  
劔鳴

贈王少府守泗州

白蘋紅樹慘霜辰離思經秋倍損神泗水兒童  
迎使節吳山風雨泥征輪懸知去後思何武爲  
惜無緣借寇恂莫遣私懷重鄉邑江南江北總  
斯民

冬日王泉席上鏤銀杏作蠟梅花分韻得



安字

華堂良宴恣情歡素果雕花取醉看浪喜寄春  
逢驛使虛疑先煖是長安氤氳蠟色和尊泛宛  
轉丹心入夜寒試把一枝登上苑紛紛剪綵不  
堪觀

一隅爲張文憲作楚人也

蜀國長辭供奉班城隅深掩薜蘿關林中曲引  
沅湘水窓裏平臨岫嶮山白雪吟成江鶴唳滄  
州情狎野鷗閒猶聞此地迎星漢看爾乘槎牛

斗還

壽顧母

秘書甲第五雲邊長夏氤氳生瑞烟青鳥早傳  
西姥信班鱗重薦北堂鮮 恩逢錫類天題濕  
善積傳家惠澤偏賸有芝蘭堪種德更移松檜  
擬齊年

天長道中次壁間韻

氤氳宿霧引星旄烈烈雄風攬客袍何處烏鳶  
勞隼擊專城操宰媿牛刀林中望氣知豐鎬水



上聞聲見桔槔總是 高皇根本地雍熙民物  
荷鈞陶

烏江謁霸王祠

野雲飛盡楚江頭萬木森森蔽古丘廟貌于今  
猶叱咤英雄自昔恨鴻溝陰銷霸氣非亡范天  
啓弘圖故屬劉興廢本來成幻迹青山黃土摠  
悠悠

贈吳蘇原

百萬澄湖芳草敷扁舟久矣薄朱軒大玄草就

書連屋彭澤歸來柳在門騰有尊鱸供玉俎無  
勞絲竹侑金尊也知夙繫蒼生望不道成功勝  
立言

早春郊行東晏石橋僚友

郊原暫試行春騎野色平分出郭橋南陌柳條  
黃露杪東風麥壠綠舒苗蜀山隱隱朋心切泗  
水悠悠客路遙寄語高情晏平仲一尊遲爾醉  
花朝

暮春高井晚行



春來常日惜花飛馬上驚看綠已齊草裏鳴泉  
新雨後林中歸鳥夕陽西柘皋月出鐘初靜瀟  
塢雲深路不迷自喜民淳安拙政何妨輪蓋數  
沾泥

豐前韻答吳蘇原兼乞題卷

森森平湖綠遶墩陰陰花柳蔽高軒幽心自愛  
瀟瀟塢壯歲歸從金馬門夜月玄直棠木檝秋  
風元亮菊花尊定知有曲流金石塵吏猶能乞  
贈言

遊蜀山次聯泉韻

雷雨能將溽暑收  
斲袪溽溽領試清遊  
孤峯插漢青如削  
一徑穿林曲更幽  
行處千家田漠漠  
坐忘雙樹思悠悠  
却慚身世猶機事  
纓冕那堪狎野鷗

郡城西接蜀山頭  
夏木千章蒼翠浮  
蜃起南巢疑貝闕  
水環神姥即青丘  
勝遊不負三年約  
塵事聊從一醉休  
旋闢荆榛攀絕頂  
望中雲日迥關愁



舟中感懷

幾從期會戀重遊  
淮甸孤帆及早秋  
積雨平湖侵遠岸  
暮蟬衰柳滿滄洲  
廣陵城下隋宮杳  
漂母祠前楚水流  
風景依依思無限  
夜深涼月送歸舟

晚投龍城寺

晚煙低護林中寺  
微月初臨陌上旌  
千頃平田圍法界  
一灣流水入龍城  
鐘聲裏僧相迓  
小隊行邊犬不驚  
咲倩山家問生計  
漫誇耕耨得

秋成

中秋值雨

領郡何方散積憂  
擬邀白月注黃流  
霏微轉覺增蕭颯  
河漢無緣望斗牛  
雲裏蟾蜍應不滅  
天邊蠅蝻竟誰收  
從知顯晦非人意  
空憶當年庾亮樓

高郵道中感懷

遠天秋水共蒼茫  
地憶頻遊侶故鄉  
近海人煙隨草沒  
信風帆影帶雲揚  
農家網罟鮮爲食  
女



伴提攜芟作裳旱澇年年畦感慨一聲新鴈落  
寒塘

自盱眙山晚投火橋鎮

山程盡日遶嶙峋山下孤村半水湮投止乍驚  
籬犬吠如歸莫得野人嗔潮侵古道迷行騎禾  
沒平畦隱釣綸滄海桑田等間事憐予亦自久  
沈淪

秋行懷郭桐岡

隔歲不逢梁苑客時驚蕭蕭颯倍離思廬江水冷

楓全落衡岳雲深鴈較遲摩詰遺情唯妙墨休  
文多病廢新詩應同禹服趨周典攜手毓堦定  
有期

寄王上舍方泉時聞新誕子兼以爲賀

崔巍泰岳接崑崙東出安陵佳氣屯人習詩書  
爲世業家貽忠孝答君恩神駒渥水靈先毓  
雛鳳丹山羽乍騫里閭由來誇閭閻不須更爲  
作高門



奚囊蠹餘卷之七

奚囊蠹餘卷之八

七言律詩

客瓜州江樓

高閣瀕流四望開  
魚龍噴雪自東來  
風帆欲送千山雨  
鼙鼓驚聞十月雷  
歲晚江鄉人事絕  
天空雲樹客心摧  
還將愁眼窺三尺  
猶有晶晶燭上台

十日江干遇亦奇  
萍踪飄泊本難期  
海門潮落龍游淺  
鄉國雲遮鴈度遲  
多病著書成底事  
登



奚囊蠹餘卷之七

奚囊蠹餘卷之八

七言律詩

客瓜州江樓

高閣瀕流四望開  
魚龍噴雪自東來  
風帆欲送千山雨  
鼙鼓驚聞十月雷  
歲晚江鄉人事絕  
天空雲樹客心摧  
還將愁眼窺三尺  
猶有晶晶燭上台

十日江干遇亦奇  
萍踪飄泊本難期  
海門潮落龍游淺  
鄉國雲遮鴈度遲  
多病著書成底事  
登



樓作賦更堪悲三峰只尺風濤外擬上輕舸縱  
所之

登金山

長江浩浩接滄溟砥柱中流擁地靈風捲夜潮  
千丈白曉涵晴曙一峯青中泠汲水僧遺鉢古  
洞尋仙雲滿巖塵世浮沉何足問纔登彼岸已  
遺形

頻過江上望龍游忽漫乘風散暮愁金鰲倒吸  
水不斷銀漢斜傾石欲流雲樹高低天上下帆

檣隱見地沉浮三吳只隔煙濤外徙倚重登絕  
巘樓

次韻答王箕泉

芝房荷沼重登臨入座如聞太古音蔭滿綠槐  
迂及徑聲傳黃鳥恰芳林三秋雲樹他鄉夢廿  
載金蘭此日心投贈未將桃李意瓊瑤翻愧郢  
中吟

移山潭次壁間韻

逶迤石徑遶林坳迴合峯巒面面青地劈半山



當四塞天開一鏡引孤亭長安日遠紅塵靜少  
華風微翠靄停獨往自憐幽與劇何人先此載  
春醺

送程于民南還次來韻

十載還家未是遲鏡中霜鬢欲絲絲青山舊社  
林逋宅白馬新鑄杜預碑野水帆檣風自穩故  
園松菊晚偏宜秋來亦有萼鱸思三徑憑君蚤  
見期

白水公署次壁間韻

泠泠白水舊彭衙粉堞山樓仄徑賒蒼頡塚荒  
惟鳥跡雷公丹化憶仙家西來羽檄驚霜月南  
望鄉心逐晚霞涼夜有懷渾不寐柏臺曙色喚  
棲鴉

青柯坪

華山谷口晝陰陰危磴盤空草樹深倚杖何緣  
攀鶴馭尋泉時忽聽龍吟炊煙縹緲雲連郭仙  
路高寒風滿林緩步三台依石室翛然悟得子  
微心



雲臺觀

雲臺直上接二峯古柏森森夾路濃碧殿晴分  
華頂色飛泉曲度水簾淙鳳蕭遠引清虛裏鹿  
駕渾疑幻眇逢日落輕陰生洞口青山回首失  
歸蹤

次韻答彭孔加

驅馳魏博復秦疆百二山河控晉陽猶憶澶淵  
虛鎖鑰頻過馮翊嬾循良百年道誼心期舊千  
里蘭言尺素香便欲歸來尋舊侶五湖鷗鷺共

飛翔

萍跡浮沉三十秋衰遲却憶少年游空山夜雨  
同僧室野水烟雲放釣舟皎皎白駒終自首嚶  
嚶黃鳥故相求海波未息鯨鯢在避地今棲何  
處洲

九日河中書院讌集次宋侍御韻

西風搖落已堪哀更上天涯百尺臺歲序自驚  
黃菊候淹留不厭白衣來三河遠接秦關險二  
華平分晉甸開盡日登臨未能賦叨陪直叅大



夫才

萬固寺

首陽西下見河流萬固禪林山際幽飛澗遠從  
秋殿落野雲低接暮煙浮塵中幻跡渾無定方  
外心期且自留徙倚遙空聞過鴈蛾眉新月照  
人愁

華州值雪

山城飛雪凜生寒客思悠悠怯歲殘花滿疎林  
疑瑞色澌流巨壑壅驚湍敝裘不厭旱中酒短

髮猶彈陌上冠却憶故園梅正發何因寄向隴  
頭看

冬日登華山

三峯壁立與天齊雪滿空山信步躋玉井吐花  
明碧漢石門飛瀑洒丹梯近人猿鶴調絲竹出  
岫烟霞擁杖藜擬向仙靈問真訣珠幢絳節望  
中迷

路入青柯挹紫氛西玄深處覓裴君從知軒冕  
非身計已覺仙凡此地分峪裏寒光生積雪林



端清吹住流雲持觴正對龍潭月山郭踈鐘不  
柰聞

莎蘿坪

蘿繞嶢晶莎映川寒山蒼翠晚猶鮮黃雲影落  
三河水青靄光搖十丈蓮御道草荒餘漢跡宮  
娥仙化憶秦年紅顏羽翰尋常有醉把金漿漫  
自憐

潼關閱武

較武來登大將壇清纓已覺飄衰顏貔貅隊擁

風塵裏鷹隼心飛霄漢間鼓角喧嘶秦士馬旌  
旗披拂晉河山九邊烽火三秋急細柳何時金  
甲閑

歲暮述懷

閒庭退食獨躑躅雨雪霏霏逼歲除江海烽煙  
遮故國關河魚鴈滯鄉書病餘引鏡顏非舊愁  
裏開尊意未舒自是無心戀榮祿不因官拙憶  
吾廬

玉陽山房



虬鼉峽裏望逾深一徑平分萬竹林雲護丹爐  
春自煖山圍草閣晝常陰池邊淬劍沾龍沫洞  
裏吹簫協鳳音信有仙靈會人意故開巖壑寄  
幽心

玉女潭次劉參伯韻

選勝言尋方外蹤迢迢石逕隱杉松清秋峽裏  
仙槎渡夜月樓中帝女逢風動水紋通絕壑雲  
連樹色擁危峰飛騰應藉神靈境面壁他年倘  
見容

眉山贈孫醫士

蛾眉影轉鬱蒼蒼見說仙人構草堂夜雨青苔  
生石磴秋風黃葉到山床薜衣常帶煙雲氣蔬  
食能兼藥餌香鴻術本來堪濟世非關思邈舊  
遺方

壽慎軒叔

吳峯北轉漸夷延湖水平臨嘉樹軒盛世衣冠  
閒歲月四時花鳥媚林園西池早薦千年實北  
海長傾眉壽尊五色雲中望南極祥光高映少



微垣

孫文揆同登越王臺

越臺脩聳費躋攀  
隱隱峰巒臺下環  
烟火萬家城郭繞  
畚田千頃水雲間  
林端佳氣東連海  
郡裏高齋半在山  
為憶霸圖勞夢寐  
壯心聊與共怡顏

宜松

徂徠分植地偏宜  
高蓋亭亭貫四時  
春入詎同桃李色  
歲寒無柰雪霜姿  
採苓礪底開靈窟  
放

鶴山中識舊枝何用還  
丹尋秘術伏脂仝實並  
仙資

南明寺宋尹同遊

南明仙梵隔山聞  
石棧逶迤雙澗分  
巖洞何年開色相  
花宮鎮日坐烟雲  
松篁古峽啣新月  
燈火孤城帶夕暝  
莫恠淹留勞地主  
下方塵幻正紛紛

沈明府邀飲戒珠寺

為政心閑興亦賒  
招尋遙指石林斜  
涅槃空訝



牟尼像題扇猶傳逸少家  
貝闕未忘同劍佩  
山城共是惜年華  
深杯莫厭留殘月  
明發離懷江上沙

秋夜子賜宅讌集得秋字

江城新月照清秋  
結客聊爲長夜遊  
玉漏聲中聞鴈過  
丹楓影裏見螢流  
彈棋奏曲涼飈入  
漬酒沾衣湛露留  
萍跡自慚猶宦海  
鷗盟何日共滄洲

夜渡揚子江次汪生韻

寒江渺渺暮烟橫  
簫鼓喧喧戒遠征  
出浦帆飛風亦起  
中流潮湧月初明  
漁燈遠引鼉鼉見  
梵宇遙連島嶼平  
自媿機心尚塵網  
強將身比海鷗輕

蕙坡贈馬封君

九畹幽香聞楚澤  
尤憐芳蕙在山阿  
參差翠葉牽風細  
灼爍卅心向日多  
杖屨常迷花密處  
琴尊不厭客頻過  
野梅籬菊猶搖落  
得似青青百畝坡



九日邀仲良童侍御登演武臺次韻

佳節重逢菊正開朋來邂逅一登臺孤城水引  
漳淇遶千騎雲屯燕趙材南國尊鱸秋入思西  
山鼓角晚生哀明年此日知何處待月非緣戀  
酒杯

兩峯高映水中洲昔我相尋洲上樓黃菊紫萸  
堪採摘沙鷗野鶴共悠悠虎符畿甸耽幽思驄  
馬長安憶舊遊同在異鄉君又別廟堂遲爾壯  
皇猷

九日偕僚友登上達樓作

郡庭無地遠紛譁一上高樓四望賒檻外丹楓  
允幾樹籬邊黃菊已三花著書衡岳非江總落  
帽龍山想孟嘉暫遣殷憂忘局東莫將尊酒問  
天涯

子孟憲使讌集紫陽山晚眺次韻

朱欄絳閣白雲邊蘿磴盤紆接洞天山外江明  
涵夜月城隅樹暝薄炊烟曠懷夙有探竒癖勝  
賞慙同命世賢擬謝塵緣希靜悟石壇遺蛻訪



飛仙

巨石園亭讌集次孟君韻

寶石西來秀色繁到門烟水是湖源倚山亭樹  
圖書滿入座芳菲風日曛張具每勞駒從過彈  
絃時雜鳥聲喧投瓊忽枉陽春曲爲憶霜臺玉  
樹温

贈馮憲使晉叔入楚得餘字

登高凝望共躊躇尊酒仍留把袂餘踈樹影搖  
楓落後遠天聲送鴈來初胥江月白浮蘭舸楚

澤秋清昭鷺車定有鴻勳副 當宁不勞魚素  
慰離居

贈殷醫士冠帶

名山採藥市闌居却訝城中兒女知豈有聲華  
聞魏闕謾勞冠冕賁江涯禁方早出長桑授秦  
俗時從稚子醫更習玄文探衆妙擬排塵累托  
師資

赴丁徵君招次青門韻

操舟北郭見朝暎倚棹西林暮色昏家起垣薇